

Broj: 01-04-6-02275-3/2022
Sarajevo, 2.6.2022.godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-04-6-02275-2/2022 od 28.5.2022. godine, Direktor Federalne uprave za inspeksijske poslove, u ime ugovornog organa donosi

O D L U K U

o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za javnu nabavku broj 01-05-6-02275-2/2022 od 28.5.2022. godine, te se ugovor o javnoj nabavci roba gorivo i vjetrobranska stakla motornih vozila Federalne uprave za inspeksijske poslove dodjeljuje ponuđaču „Hifa – Petrol“ d.o.o. Sarajevo, koji je nakon provedenog otvorenog postupka svojom ponudom broj JN-1997/22 od 9.5.2022. godine ponudio najnižu ukupnu cijenu ponude u iznosu od 96.878,18 KM bez PDV-a (sa uračunatim popustom od 0,5%), odnosno sa uračunatim PDV-om 113.347,47 KM.

Član 2.

Ugovor sa ponuđačem iz člana 1. ove odluke će se zaključiti pod slijedećim uslovima:

- Ukupna ponuđena cijena sa uračunatim popustom (0,5%) bez PDV-a: 96.878,18 KM
- Ukupna cijena sa PDV-om i uračunatim popustom: 113.347,47 KM
- Na svaku isporuku roba koje su predmet ugovora će se obračunavati popust u visini od 0,5 %. Popust je fiksni, neće se mijenjati iz bilo kojeg razloga i isti će se obračunavati na cijene utvrđene zvaničnim ovjerenim cjenovnikom (obrazac o promjeni cijena i marži u maloprodaji, ovjeren od strane Federalnog ministarstva trgovine)
- Rok plaćanja: 30 (trideset) dana od dana prijema fakture za realizovanu isporuku
- Period trajanja ugovora: ugovor će se zaključiti na period od 1 (jedne) godine dana od dana zaključenja ugovora od ugovornih strana, odnosno do izvršenja predmeta ugovora.

Član 3.

Izabaran ponuđač iz člana 1. odluke je dužan u roku od 7 (sedam) dana od dana prijema odluke dostaviti ugovornom organu dokaze zahtjevane članom 45. Zakona o javnim nabavkama, kojim potvrđuje da:

- a) u krivičnom postupku nije osuđen pravosnažnom presudom za krivična djela organizovanog kriminala, korupcije, prevare ili pranja novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

Dokazi koje će dostaviti izabrani ponuđač moraju sadržavati potvrdu da je u momentu predaje ponude ispunjavao uvjete iz člana 45. ZJN i odredbi tenderske dokumentacije.

Ukoliko izabrani ponuđač u roku ostavljenom stavom (1) ovog člana ne dostavi naprijed tražene dokaze, odnosno ukoliko dostavi dokaze koji ne budu potvrđivali da je u vrijeme predaje ponude ispunjavao uvjete iz člana 45. ZJN, isti će biti isključen iz daljeg učešća u postupku javne nabavke zbog neispunjavanja uslova za kvalifikaciju.

Član 4.

Ova odluka će se objaviti na web stranici Federalne uprave za inspekcijske poslove.

O b r a z l o ž e n j e

Odlukom direktora uprave broj 01-04-6-02275/2022 od 27.4.2022. godine pokrenut je ponovni otvoreni postupak uz primjenu e-aukcije za nabavku roba gorivo i tečnosti za vjetrobranska stakla za potrebe službenih vozila Federalne uprave za inspekcijske poslove.

Radi se o trećem otvorenom postupku nabavke navedenih roba, a prethodna dva postupka su poništena iz razloga što je cijena jedine ponude bila značajno veća od iznosa sredstava osiguranih za predmetnu nabavku.

Dana 28.4.2022. godine izvršeno je objavljivanje obavještenja o nabavci na Portalu javnih nabavki, a 6.5.2022. godine u Službenom glasniku BiH broj 28/22, broj obavještenja 1292-1-1-4-3-6/22.

U terminu utvrđenom obavještenjem o javnoj nabavci i tenderskoj dokumentaciji dana 18.5.2022. godine izvršeno je javno otvaranje blagovremeno pristiglih ponuda, kojom prilikom je konstatovano da je u roku ostavljenom za dostavljanje ponuda zaprimljena samo jedna ponuda, kako je prikazano u slijedećoj tabeli:

Naziv/ime ponuđača	Ukupna cijena ponude bez PDV-a	Ponuđeni popust
„Hifa – Petrol“ d.o.o. Sarajevo	97.365,00 KM 96.878,18 KM (sa popustom)	0,50 %

Komisija je utvrdila da nije bilo neblagovremeno pristiglih ponuda.

Zapisnik sa otvaranja ponuda je odmah putem pošte upućen na adrese ponuđača koji je dostavio ponudu.

Nakon javnog otvaranja ponuda Komisija je izvršila provjeru kompletnosti i ispravnosti ponude, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera garancija, obrazaca i drugih dokumenata.

Na osnovu izvršenog neposrednog uvida u ponudu utvrdila da je ponuđač dostavio kompletnu dokumentaciju traženu tenderskom dokumentacijom, te da ne postoje razlozi formalnog karaktera za odbacivanje njegove ponude.

Obzirom da je u ostavljenom roku zaprimljena samo jedna ponuda, konstatovano je da se u skladu sa članom 3. stav (3) Pravilnika o uslovima i načinu provođenja e-aukcije („Službeni glasnik BiH“, broj 66/16) e-aukcija ne može zakazati.

Komisija je prilikom ocjene ponude sa aspekta ponuđene cijene utvrdila da je ponuđač ponudio popust od 0,5%, koji je značajno manji u odnosu na popust koji su ponuđači davali u postupcima nabavki istih roba u prethodnom periodu. Isto tako je imala u vidu da je ovo već treći otvoreni postupak javne nabavke goriva i tečnosti za vjetrobranska stakla koji se provodi po Planu nabavki za 2022. godinu, da je i u ranije poništenim postupcima ponudu podnosio

samo ponuđač „Hifa – Petrol“ d.o.o. Sarajevo. Ocijenjeno je da ponovno poništavanje otvorenog postupka ne bi bilo cjelishodno, te je zauzet jednoglasan stav da je potrebno okončati postupak nabavke, odnosno dostaviti direktoru Uprave preporuku za dodjelu ugovora. Također je utvrđeno da je ponuđena cijena sa popustom neznatno veća od visine planiranih sredstava za predmetnu nabavku koja iznosi 95.000,00 KM, te je Komisija na osnovu svog zahtjeva za dostavljanje informacije upućenom Sektoru za materijalno-finansijske poslove dobila potvrdu da prema trenutnom stanju namjenskih sredstava u Proračunu, Uprava raspolaže sa dovoljno sredstava za realizaciju ugovora koji će biti zaključen sa ponuđačem.

Komisija je slijedom prednjeg sačinila preporuku broj 01-04-6-02275-2/22 od 28.5.2022. godine, koju je dostavila direktoru uprave na razmatranje, a u kojoj se predlaže da se ugovor u skladu sa kriterijem najniža cijena tehnički zadovoljavajuće ponude dodijeli ponuđaču Hifa – Petrol“ d.o.o. Sarajevo.

Prilikom razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.



DIREKTOR

Anis Ajdinović

[Handwritten signature]
06-06-2022

Dostaviti:

1. „Hifa-petrol“ d.o.o. Sarajevo, Hotonj bb, 71320 Vogošća
2. Sektor za materijalno-finansijske poslove
3. Sektor za tehničku podršku i plansko-analitičke poslove
4. Komsija za javne nabavke (a/a).

06-06-2022 *[Handwritten initials]*

[Handwritten signature]

